

42085 ✓

教科書文庫

4
200
63-1912
20003 02643

Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak

Kodak Color Control Patches



© Kodak, 2007 TM: Kodak



C8
200
1912

教育部審定

高等小學校 春季始業
 第二冊 學生用

共和國
 新歷史
 教科書

商務印書館發行



目次

第十一	第十	第九	第八	第七	第六	第五	第四	第三	第二	第一
遼宋之爭	宋太祖	五代	黃巢	郭子儀	唐明皇	唐太宗	隋煬帝	南北朝	淝水之戰	五胡分晉

授課時數

二 二 二 一 一 二 二 二 二 二 二

共高一六九



春季新編 第一冊 目次

第十二 范仲淹

第十三 王安石

第十四 宋之南渡

第十五 岳飛

第十六 朱子

第十七 文天祥

一 二 二 二 一 二

時間分配方法附

每篇教授二時者其分配方法可分三種(甲)每篇平分二段每時教授一段(乙)每篇分二段第一段較多第二段較少第一時教授第一段第二時教授第二段并復習全篇(丙)不分段落第一時教授第二時復習其每篇教授三時以上者以此類推(如三時者可分二三段四時者可分三四段或竟不分段落視各篇內容而定)

春季新歷史第二冊

第一 五胡分晉

晉武帝者司馬懿之孫也其父昭專魏國之政滅蜀漢武帝篡魏滅吳都洛陽大封子弟使擁強兵鎮四方武帝卒諸子爭權互相攻殺國內大亂五胡因之起匈奴自漢光武帝時分南北二部南匈奴歸附於漢之季世雜居內地其部長自以本為漢外孫因姓劉氏迨晉室內亂部長劉淵稱帝國號漢其子聰繼之遣兵攻晉先後虜懷帝愍帝而去劉聰之後則有羯族石氏鮮卑族慕容氏氐族苻氏

匈奴與羯鮮卑氏羌為五胡

羌族姚氏相繼稱帝此外立國者尚多分據中原爭戰無已時世謂之五胡之亂

第二 淝水之戰

東晉之興

當中原擾攘之際晉宗室瑯琊王出鎮江南因卽帝位於建康晉今治江蘇是爲東晉元帝領有南方之地五胡之中氏族苻堅爲最強盛國號秦翦滅諸邦全有北方之地遂欲統一中國大起國內之師步卒六十餘萬騎二十七萬分數道入寇晉發兵八萬拒之當是時都下震恐宰相謝安與親朋出游山墅圍棋賭勝以安人心既而晉兵大敗秦師於淝水

淝水之戰

淮水在安之散支

共高一六九

秦兵自相踏藉死者蔽野塞川其走者聞風聲鶴唳皆以爲晉兵且至晝夜不敢息重以飢凍死者什七八堅中流矢走還北方復大亂分裂爲數國


東晉疆域圖



第三 南北朝 東晉之後據有南方之地者爲宋齊梁陳四朝皆漢

其。南。北。朝。之。君。是。為。北。朝。而。同。化。於。鮮。卑。族。北。齊。為。漢。族。魏。北。周。皆。鮮。卑。周。又。滅。北。齊。後。為。北。周。所。篡。北。北。齊。所。篡。西。魏。族。也。是。為。南。朝。統。一。北。方。者。為。後。魏。後。分。東。西。東。魏。為。

圖 域 疆 朝 北 南



南北朝之名主

孝。文。帝。梁。武。帝。魏。孝。文。帝。好。儒。術。欲。以。漢。族。之。文。化。變。其。國。俗。定。都。洛。陽。禁。國。人。用。胡。語。胡。服。令。與。漢。族。通。婚。然。其。弊。也。人。皆。習。於。奢。華。文。弱。失。其。舊。來。耐。苦。勇。樸。之。風。梁。武。帝。時。江。南。太。平。無。事。帝。崇。信。佛。法。捨。身。寺。中。為。奴。佛。教。大。盛。未。幾。侯。景。作。亂。帝。被。困。餓。死。

第四 隋煬帝

隋。文。帝。篡。北。周。之。位。又。滅。陳。統。一。南。北。都。於。長。安。其。子。煬。帝。嗣。之。國。勢。富。強。為。魏。晉。以。來。所。未。有。煬。帝。南。破。林。邑。安在南今西。收。青。海。東。略。琉。球。日本屬突。厥。及。西。域。諸。國。亦。先。後。朝。貢。惟。高。麗。不。至。帝。率。兵。伐。之。不。

煬帝以無道亡國

唐太宗之武功

克再起師。高麗懼。遣使乞降。

帝建長城於西北邊。大開運河。廣築園林宮殿。帝乘

龍舟游宴於江都。蘇在江百姓死於工役飢荒者無算。加

以頻歲興師。國內遂大亂。羣雄四起。帝為其下所殺。

第五 唐太宗

唐高祖代隋為天子。都於長安。命其子秦王李世

民。平定羣雄。中國復統一。世民遂繼高祖而即帝位。是為

唐太宗。為漢以後之雄主。

突厥分東西二國。皆強盛。太宗先滅東突厥。繼定吐

谷。渾。高昌。收回蒙古。青海。新疆之地。西與吐蕃。藏今西和

共高一六九

唐 疆 域 圖



唐人名稱
之由來

唐室最盛
之世

親南平天竺之亂。於是北至西伯利亞。南至南洋諸國。莫不入貢。至其子高宗。遂滅西突厥。蔥嶺以西之地。亦歸於唐。又東平百濟。敗日本之兵。滅高麗。服新羅。威名遠震。南洋諸國。稱中國人。為唐人。即因此也。

太宗好儒術。任房玄齡。杜如晦。為相。輕刑薄稅。興學勸農。又喜聞善言。魏徵等隨時諫爭。不以為忤。故其時國內太平。人民樂業。為唐室最盛之世。

第六 唐明皇

高宗之在位也。其后武氏專政。高宗卒。武后廢其子中宗。大殺唐宗室。自稱皇帝。國號周。晚年疾篤。羣臣仍

共高一六九

安祿山之
反

立中宗。復國號曰唐。韋后為亂。睿宗子隆基討平之。旋受睿宗禪。是為明皇。任賢勤政。唐室復興。其後耽於奢華。逸樂。寵楊貴妃。以李林甫。楊國忠為相。安祿山為將。皆佞邪之人也。政事昏亂。武備廢弛。大亂遂起。

安祿山為節度使。居范陽。
京今北 擁強兵。楊國忠與之有張

隙。祿山舉兵反。陷長安。帝出奔。至馬嵬坡。
西在陝 國忠為禁兵所殺。貴妃亦賜死。帝遂如蜀。祿山稱皇帝。



張巡守睢陽

當是時。張巡守睢陽。南在河以忠義激厲將士。被圍日久。救兵不至。將士餓困。食茶紙及馬。又羅雀掘鼠。皆盡。城遂破。巡與將士皆死之。

第七 郭子儀

祿山作亂。凡數年。郭子儀、李光弼等率師平之。子儀勳名尤為內外所震服。

回紇之強

當是時。回紇據蒙古之地。勢甚強。以兵助唐平祿山。與唐通婚姻。恃其功勞。驕恣無厭。會謠傳子儀已死。遂合吐蕃等眾三十萬入寇。京師大震。子儀以數十騎往。其營免胄勞之。回紇皆捨兵下馬拜。因與子儀合兵大

破吐蕃而去。

子儀既有大功。朝廷疑畏之。屢奪其兵權。子儀不以為意。始終以寬厚至誠待人。當世莫不感其盛德。以身為唐室安危者。殆三十年。

第八 黃巢

唐之季世。昏主相繼出。宦官專政。與宰相爭權。小人在朝。君子隱退。加以頻歲凶荒。人民饑困。為盜賊者日衆。

黃巢者。曹州東在山人也。率其黨起兵。馳檄四方。指斥朝廷弊政。人士爭附之。眾至六十萬。朝廷遣師攻之。不

共高一六九

勝。東南諸州皆陷。遂入廣州。自號義軍都統。以其衆北上。入長安。稱帝。國號大齊。黃巢既爲皇帝。大肆暴虐。屠長安人民。謂之洗城。官軍四集。巢敗出走。無食。日俘飢民數千以爲糧。遂爲其下所殺。

第九 五代

黃巢雖死。其黨仍到處屠掠。殺人爲糧。千里無舍煙。朱溫者亦巢黨也。降於唐。遂篡位爲帝。國號梁。未幾。唐莊宗滅之。是爲後唐。石敬瑭以契丹之師滅後唐。是爲後晉。既而契丹滅後晉。劉知遠自立爲帝。是爲後漢。郭

共高一六九

威。篡之。是爲後周。總稱曰五代。皆據中原。

南梁 省今 治河 歷時不

過五十餘年。其

四方獨立之國。

亦復不少。爲中

國紛裂。人民異

常。困苦之時代。

五代之君。以

後。唐。明。宗。後。周。世。宗。爲。最。賢。明。宗。天。性。寬。厚。留。心。民。事。

每夕焚香禱天曰。世亂久矣。願上天早生聖人。與百姓

五代疆域圖



後唐 大都 梁洛 大陽

為主。世宗英武有統一中國之志。西敗北漢。山據西今之兵南略南唐。江據蘇今安治徽之地。又北攻契丹。在位不久而卒。

第十 宋太祖

後周世宗死後其將趙匡胤篡帝位是為宋太祖。都於汴京。梁即大以次剪滅南唐諸國其弟太宗繼之又滅北漢中國本部大略統一。

自唐世祿山作亂以來武臣多擁強兵據有一方不受朝廷節制。宋太祖罷武臣兵權以文臣任州郡中央政府始有權力。

太祖以三事戒子孫。一毋加農田之賦。二毋殺士大

宋之制度

共高一六九

夫三優待周世宗之後以故宋室之強大雖不如漢唐而忠厚待人為人民所愛戴。

第十一 遼宋之爭


契丹之強

契丹為鮮卑族居於熱河世附於唐賜姓曰李唐之末世契丹漸強其酋長耶律阿保機稱帝據有東三省蒙古之地石敬瑭借契丹兵滅後唐又割京兆及直隸山西之北部以與之勢益大改國號曰遼。至宋之時遂與宋人分領中國。遼為北朝宋為南朝。宋太宗屢伐遼不能勝大將楊業死焉兩國之爭常不絕。宋太宗卒子真宗立遼人又伐宋宋人大恐宰相寇

遼宋約和

準。勸。真。宗。親。征。遼。人。知。無。所。利。願。與。宋。和。宋。歲。納。銀。幣。以。為。報。相。約。為。兄。弟。之。國。南。朝。為。兄。北。朝。為。弟。自。是。以。後。兩。國。使。聘。往。來。彼。此。無。釁。民。得。安。息。

北 宋 疆 域 圖



共高一六九

西夏獨立

第十二 范仲淹

真宗卒。子仁宗立。當是時。南北相安。國內無事。而西夏起於西北。獨立稱帝。據有陝西。甘肅邊境。及綏遠。西南部。西套。蒙古全部。朝廷屢征之。不勝。乃命范仲淹。韓琦。至邊防禦。仲淹素有大志。見當時吏治不修。武備廢弛。慨然欲改革之。嘗曰。士當先天下之憂而憂。後天下之樂而樂。至是。與韓琦防邊。邊人歌之曰。軍中有一韓。西賊聞之心膽寒。軍中有一范。西賊聞之驚破膽。其後。夏人稱臣請和。願受宋之封册。宋亦歲賜銀幣。

以報之。於是中國之地。宋遼夏三國鼎足而立。

第十三 王安石

至仁宗之孫神宗時。欲完全統一中國。而北有遼。西有夏。兵力不能敵。國內財政。又極為紊亂。非理財不能富國。國不富。則兵不強。兵不強。則不能滅遼。夏而收統一之效。

於是任王安石為宰相。議定新法。惡舊黨反對。用新黨人物。強迫行之。人民苦其擾。輿論騷然。出兵攻西夏。又為所敗。且新黨亦爭權內訌。安石不得已。致仕去。神宗憂懣而卒。

宋神宗變法

司馬光繼為宰相。廢新法。仍用舊制。然新舊兩黨競爭不已。蔡京相徽宗。復行新法。務搜括民財。以供君相之奢華。又與金人連合。以滅遼。遼亡。宋亦不能久存矣。

第十四 宋之南渡

金人者女真族也。其先居黑龍江。服屬於唐。而蕃殖於吉林。東部。後屬遼。兼致貢於宋。及遼之衰。其酋長阿骨打。獨立稱帝。建國號金。


宋徽宗欲收復直隸。山西北部之地。與金人約夾擊遼。遂滅遼。以今之北京歸於宋。旋怒宋人納叛。大舉伐宋。陷汴京。虜徽宗及其子欽宗。北去。囚之於五國城。

女真之興

金滅北宋

林在吉

金人立張邦昌為帝。宋人不服。立徽宗之子。宋康王是為宋高宗。避金兵南渡大江。建都於臨安。安省今浙江。於是中國之北方概屬於金。宋人惟有南方之地。



第十五 岳飛

高宗即位於江南。金人猶南侵不已。岳飛者湯陰河在

共高一六九

宋與金和

南人也。數敗金兵。金人呼為岳爺爺。見其旗輒潰走。嘗曰：撼山易，撼岳家軍難。其後飛以五百騎大破金兵五十萬於朱仙鎮。南在河北。北方豪傑望風響應。金將士亦多來降。

當是時宰相秦檜務欲講和。連發金字牌十二。促飛班師。誣飛謀反。斃之於獄中。并殺其子岳雲。宋遂稱臣納幣與金人和。

岳飛像



莫須有之獄

岳飛軍律甚嚴。時稱其軍凍死不拆屋。餓死不虜掠。愛養士卒。凡有頒賞。均給軍吏。秋毫不私。其死也。人多為之不平。韓世忠詣秦檜詰飛罪狀。檜曰：「罪狀雖不明。然其事莫須有。」世忠曰：「莫須有」三字。何以服天下？」

第十六 朱子

朱子名熹。婺源人。兒時父指天示之曰：「天也。」朱

子問曰：「天之上何物？」及長。勤學好問。徧交當世有識之士。尤喜研究聖賢之說。遂為宋代大儒。

宋孝宗者高宗之子也。其始即位。詔求直言。朱子上書勸帝講聖學。修武備。力斥和議之非。孝宗亦欲復仇。

共高一六九

宋孝宗北伐無功

屢出師北伐。皆無功。然金人亦因此廢君臣之稱。改稱叔姪。南北相安者數十年。

朱子之學

朱子每入朝。必以誠意正心為言。弟子甚多。有自遠而至者。家貧。豆飯藜羹。不以為意。取大學中庸論語孟子四書為之註解。以教人。使人人知聖賢之大道。

第十七 文天祥

蒙古滅金

南宋之季。蒙古崛起。宋人與蒙古聯合以滅金。蒙古旋改國號曰元。興師入宋。以宋帝北去。宋人立幼主於福州。文天祥起兵勤王。不勝。為元人所獲。勸之降。不聽。囚於燕京。

南宋之亡

宋幼主旋卒其弟昀繼位居於厓山在廣東元兵來攻宋師大敗宋臣陸秀夫負帝投海以殉國大將張世傑收集殘兵仍圖恢復中途颶風覆舟死

是時文天祥仍囚於燕作正氣歌以明志元帝知其終不屈乃殺之天祥從容就刑衣帶中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧

文天祥像



共高一六九

大事表第二

民國紀元	歷代年號	事實
前一六三二年庚子	晉武帝太康元年	帝滅吳統一中國
一六〇八年甲子	晉惠帝永興元年	劉淵稱漢王後稱帝
一五九五年丁丑	晉元帝建武元年	即晉王位翌年即帝位
一五二九年癸未	晉孝武帝太元八年	破秦兵於淝水
一五二六年丙戌	晉孝武帝太元十一年	後魏建國
一四九二年庚申	宋高祖永初元年	受晉禪為帝
一四四一年辛亥	宋明帝泰始七年	魏孝文帝即位
一四一〇年壬午	梁武帝天監元年	受齊禪為帝
一三七八年甲寅	梁武帝中大通六年	後魏分為東西
一三三三年己酉	隋高祖開皇九年	帝滅陳統一南北
一二八二年庚寅	唐太宗貞觀四年	滅東突厥後五年平吐谷渾
一二七二年庚子	唐太宗貞觀十四年	滅高昌翌年以文成公主嫁吐蕃

一二六四年戊申	唐太宗貞觀二十二年	定天竺之亂執其王以歸
一二五五年丁巳	唐高宗顯慶二年	滅西突厥
一二五二年庚申	唐高宗顯慶五年	降百濟後八年滅高麗
一一五七年乙未	唐明皇天寶十四年	安祿山反
一〇三二年庚子	唐僖宗廣明九年	黃巢入長安稱帝
一〇〇五年丁卯	唐哀帝天佑四年	朱溫篡唐自立國號梁是年契丹建國稱帝
九三三年己卯	宋太宗太平興國四年	帝滅北漢除遼國外其餘概統一
九〇八年甲辰	宋真宗景德元年	與遼人和為兄弟之國
八七四年戊寅	宋仁宗寶元元年	西夏獨立稱帝
七九七年乙未	宋徽宗政和五年	女真稱帝國號金
七八七年乙巳	宋徽宗宣和七年	金人滅遼翌年滅北宋虜徽欽北去
七七一年辛酉	宋高宗紹興十一年	與金人和受金之冊封
六七八年甲午	宋理宗端平元年	蒙古滅金
六三三年己卯	宋帝昺祥興二年	兵潰於崖山帝赴海死南宋亡

教育部審定批詞

春季始業

高等小學共和國教科書

新歷史教科書及教授法

教科書一至四冊
 用史談體編纂於
 歷代大事能提挈
 綱領源委分明頗
 覺適用五六冊用
 進化史體編纂自
 上古以迄民國成
 立凡歷代廢興之
 大勢文化之淵源
 武功之盛衰中外
 之交涉均具大要
 洵小學歷史之善
 本教授法內容與
 秋季本相同

部又(260)

Republican Series
Chinese History
 For Higher Primary Schools For Two Semesters
 Approved by the Board of Education
 Commercial Press, Ltd.
 All rights reserved

中華民國八年五月一六九版 (高等小學校用) 春季

(共和國) 教科書 新歷史六冊
 (第二冊定價大洋叁分 外埠酌加 陸分對折 運費在內)

編纂者 寧鄉傅運森
 校訂者 長樂高鳳謙
 發行者 海鹽張元濟
 印刷所 上海北河南路北首寶山路 商務印書館
 總發行所 上海棋盤街中市 商務印書館
 分售處 漢口長沙常德衡州成都重慶 達縣福州廣州香港桂林 梧州雲南貴陽張家口新嘉坡 南京杭州蘭安慶蕪湖南昌

商務印書館

此書有著作權翻印必究
 中華民國元年十月十九日稟部註冊十一月十九日領到文字第十六號執照

七五八二號

